

ईसु कर चमतकार



लिखे गए हवे। : Edward Hughes
उत्साह बढ़े गए हवे। : Byron Unger; Lazarus
Alastair Paterson

अनुवाद करे गए हवे। : मधुलिका महतो
चयन करे गए हवे। : E. Frischbutter; Sarah S.

कथा 40 ले 60

M1914.org

Bible for Children, PO Box 3, Winnipeg MB R3C 2G1 Canada

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।

भगवान ला पता हे कि हमन गलत काम
करे इन जेन ला ओहर पाप कहिये। पाप के सजा मौत हावे।

भगवान हमन ले बहुत प्यार करथे, ओहर अपन बेटा ईशु मसीह ला क्रूस में
मरे बर अऊ हमर पाप के सजा ला पाये बर भेजीस। ईशु मसीह हा फेर
जिंदा होगिस अऊ स्वर्ग वापस चल दिस ! अब भगवान हर हमन के पाप
बर माफ कर सकथ हे।


अगर आप मन अपन पाप ले मुख ला मोड़े बर चाहत हव ता भगवान ले ये
कहव : हे भगवान! मैं विश्वास करथव कि ईशु मसीह हा मोर बर मरीस
हावे अऊ अब ओहर फेर ले जीवित हावे। दया करके मोर जिंदगी मा आवव
अऊ मोर पाप ला क्षमा करव। ताकि मैं हर अभी नांवा जिंदगी ला पा
सकंव, अऊ आप मन के संग मा हमेशा बर रह सकंव। आपके बेटा बनके
आप बर जिये सकंव।

बाइबल ला पढ़व अऊ भगवान से रोज बात करव !

छत्तीसगढ़ी


Chhattisgarhi

ईसु मसीह अब्बड़ अकन चमतकार करिस। चमतकार, ये ही
सिध्द करए बर कि ईसु मसीह सित्तो म भगवान के बेटा हावय।
पहिला चमतकार बिहा के नेवता म होईस। एकठी समस्या
पैइदा होईस। ऊंहा दाखरस सब्बो जन बर नई पुरिस।




1

मरियम, ईसु के महतारी, हा इ परिसानी के बारे म ओला बताइस
अउ सेवक मन ला कहिस जेन कुछु घलो ईसु हा आदेस देही
ओखर पालन करव।



2

ईसु हा कहिस “पानी म इ गीना—बटकी मन ल भर देवा” “पानी ?” ओमन इ पूछे होही। हाहो, पानीइच, ईसु हा बिनती करिस।




3

फेर ईसु हा दास मनले कहिस, बड़खा गिना ले कुछ निकाल लेवा अउ नेवता के मुखिया ला चिखे बर देवा। ओ पानी हा अब दाखरस बन चुकए रहिस। बड़िया दाखरस। अब्बड़ बड़िया दाखरस।



4

सेवक मन अकचकाए रहिन। ईसु हा पानी ला दाखरस मा बदल दे रहिस। खाली भगवान हा ई चमतकार ला करे सकत हावय।




5

ईसु अउ घलाव चमतकार मन के परदरशन करिस। एकठी संज्ञा बेरा, ईसु अउ ओकर चेला पतरस कर घर गईन। पतरस के सास हा जर के कारन अब्बड़ बेमार रहिस।



6

ईसु बेमार नोनी, मन के हाथ ला छुईस। एक झन मा ओफेर ले चंगी हो गिस। ओह ईसु अउ ओखर चेला मन के सेवा टहल करए बर उठ गिस।




7

अइसन लागत रहिस कि सब्बो सहर ओखर दुआरी म एकट्ठा होगिन। अंधवा, भयरा, कौंदा, अउ लुला अइसने बिमरहा मइनसे मन उहां आइन। इहा तक कि ओमे रहए वाली दुए आतमा ले परिसान मइनखे मन कर भी रहा ईसु करा आईसफ मा ओहर एतकी झन के मदद करे सकत हे?




8

ईसु जेन भगवान कर बेटा हावय, ओहा मदद करे सकत हे। ईसु हा मदद करिस। जेन घलाव ओकर करा आईन सब्बो झन चंगाई ला पाईन। जेमन बईसाखी के सहारा म रेंगके अपन जीनगी ला चलात रहिन तेमन अब रेंगे, दउड़े अउ कुदे सकत रहिन।




9

दुसर जेन ला कोड़ी रोग हा मुँडुला बिगाड़ दिस, तेमन घलाव आईन।




10

ईसु हा ओमन ला चंगा करिस अउ उमन पूरा सफा आउ पबितर हो गिन।




11

दुस्त आतमा मन ले परिसान नोनीपिला अऊ बाबुविला मन ईसु करा आईन। ओहर ओला छोड़ए बर दुस्त आतमा मन ला आग्या दिस। जब दुसर आतमा मन ओखर आग्या ला मानीन तब डराय, दुखी अउ सांत मइनखे मन अउ आनंदमगन हो गिन।




12

ईसु करा पहुँचे बर, भीर के पाछु ले चारझन अपन संगवारी के मदद करय के परयास करिन। लेकिन ओमन अइसने हे नई कर पाईन। अब ओमन अउ का करय सकत रहिन ?



13

चारठीन वफादार संगवारी मन बेमार मइनखे कर घर के छत म ले गिन अउ ओला तरी उतारे बर छत ला खोल दिन। अब ओहर ईसु के अबगा लकठा रहिस।



14

जीसु हा ओचार संगवारी मन कर बिसवास ला देखीस। ईसु हा बेमार मइनखे ला कहिस, कि तोर पाप हा क्षमा होइस। अपन खटिया ला उठा अउ रेंग—बुल फेर “उ मइनखे हा झट ले भला चंगा अउ मजबूती ले उठ के ठाढ़ हो गिस।” ईसु हा ओला चंगा करिस।




15

एखर पाछु फटाक ले ईसु अपन चेला मन के संग म एक ठी डोंगी म रहिस। एक ठी अड़बड़ भईकर तुफान समुंदर में उठीस। ईसु ऊहां सुतत रहिस। चेला मन घबराईन अऊ ओला उठाइन। “हे परसु हमन ला बचा लेवा,” ओमन चिहरीन “हमन नास होत जाथन।”



16

ईसु हा लहरा मन ल फटकारिस “सांत हो जावा” फटाक ले समुंदर हा सांत हो गईस। ओखर चेला मन फुसुर फुसुर करिन “एहर कइसन परकार कर मइनसे हवे ?” इहां तक कि हवा अउ समुंदर घलाव ओखर आग्या ला मानथे। ओमन ईसु ला भगवान के बेटा कइके स्वीकार करिन। काबर कि ओखर चमतकार हा ओखर महिमा ला परगट करत रहिन। चेलामन ला ये



17

पता नई रहिस लेकिन उ मइनखे मन के बीच म भगवान के सेवा, करत रही के ईसु के अउ भी महान चमतकार मन ला देखे जात रहिस।

ईसु कर चमतकार

इ कथा हर भगवान के बचन के द्वारा एक ठी बाईबिल

पाए जाथे।

मत्ती 8-9, मरकुस 1-2, मरकुस 4, लुका 4, लुका 8, युहन्ना-2

“आप मन कर बानी हर एला अंजोर देखे।”
भजन संहिता ११३ : १३०

18